

Isendlalelo:
amalungelo
nokuzibophezel.

**Umbiko
ngamaprojethi.**

**Izingqinamba
ngokulekelela
ekunikezeni ukwesekwa
okudingekayo.**

AMALUNGELO KANYE NOKUZIBOPHEZELA

Eminyakeni selokhu asungulwa uKanyenathi: kusukela ekwenzeni ngokubambisna ucawningo ngezingqalasizinda kuze kube ilapho kwasungulwa khona inkundla yokuhlangana kwabahwebi nabomkhandludolobha lapho kuboniswa khona ngezindlala ezingasiza ekulethweni kwe ngqalasizinda kanye nokulungiswa kwengqala sizinda ephukile. Loyo naloyo munxa waleprojethi usulethe ithuba lokufundisana phakathi kwabahwebi kanye nabomkhandlu.

Emhlanganweni ka Kanyenathi wokuvala unyaka ka 2019 kwavela okuningi mayelana nezingqinamba kanye nokuyififiso okwaphakanyiswa abahwebi kanye nabamele uMKhandludolobha esizokubalula kulolushicilelo.

ukuthi amalungelo abahwebi abakawaqondisis ngokugculisayo, futhi kubalulekile ukwazi ukuthi amalungelo ahambisana nokuzibophezel. Nakuba umkhandlu kumele uhlizenze ngezidingo zabahwebi, nabahwebi kumele bazibophezele ukuze amalungelo abo afezeke.

Okuqaphelekayo nokubonakala kuyinkinga ukuthi kushoda ulwazi kanye nokuqonda okwanele ngamalungelo abahwebi. Ukubekana nalenkinga kudingke ukuthi u **Asiye eTafuleni** ngo October 2019 ethule iprojethi eyaziwa ngokuthi i **Vikelani**

Amalungelo kuma makomiti abahwebi abamele abantu abalinganiselwa 21,000 abasebenzela ezindaweni ezakhele iDolobha lase Thekwini.

Ngokubamba njalo imihlangano nabaholi babahwebi izingqinamba ezibalulekile abaziphakamisa kwaba yikho okwaholela ekutheni kusungulwe ibhukwana eligwashisa ngamalungelo labe selihlanganiswa abakwa **Asiye eTafuleni**. Lelibhukwana linezihloko eziyi 6 lixube isizulu nesilungu, lifundisa ngalokhu okulandelayo: (1) Ilungelo lokuhwebela emigwaqeni yaseThekwini, (2) Ilungelo lokuthola imvume yokuhweba (3) Ilungelo umhwebi analo uma kushaqwa izimpahla zakhe ngamaphoyisa (4) Ilungelo lomhwebi uma izimpahla zakhe zishabalaliswe amaphoyisa omkhandlu, (5) Amalungelo abahwebi uma kuthuthukiswa noma kudilizwa izingqalasizinda abasebenzela kuzo (6) Ilungelo lokunikezwu ulwazi uma kumukelwa noma kuchitshiyelwa inqubomgomu nanakuthi izoba namiphi imithelela kubona. Bangaphezulu kuka 1,200 abahwebi abasebenzela kulendawo yase eThekwini asebevele banikeziwe lelibhukwana. **Vikelani Amalungelo** uhlose ukucacisa umehluko phakathi kwelungelo kanye nokuzibophezel, Isibopho sabahwebi kanye nomkhandlu kanye nokuqinisekisa ukuthi bawazi amalungelo ezomthetho agunyazwe abahwebi.



umfanekiso 1: Ababethamele ukwethulwa kwe Vikelani Amalungelo. ngu Toni Ottanelli-Gale.

OKUQHUBEKAYO NGOKWAKHIWA KANYE NOKULUNGISWA KWEZINGQALASIZINDA

Isakhwi sabapheki benhloko - Ukwakhiwa kwesakhwi esisha sabapheka inhloko akukaqalwa. Kusadingeka kuboniswa nabahwebi ngokungase kushintshwe noma kunenezelwe. Uma sekujedwe konke kwavunyelwana kuyobe sekukhangiswa ngethenda uma esehlonziwe kuqale kwakhiwe. Njengoba abapheka inhloko kusazothatha isikhathi eside besebenzela kulesisakhwi sesikhashana kuzomele silungiswe, u Asiye eTafuleni wazibophezel ngokuthi uzodweba iplan yokwakuvunyelwane ngakho nabomnyango wakwa BSU kanye nabapheki ukuthi kuzolungiswa, wabe usuyidlulisela kwabakwa BSU nabakwa Architecture ukuze bathole ukuthi zizoba yimalini izindleko zokulungisa lesikhwi sesikhashana. Kwaphinde kwavunyelwana ngokuthi ukukhokhelwa kwezidindo kuzomiswa kuze kuqedwe ukwakhiwa kwalendawo kodwa lokhu kuzovumeleka kuphela labobahwebi abangawukweleti umkhandlu kwavunyelwana ngokuthi angeke amukeleke okweletayo ukungena esakhwi esisha. Kwathiwu labo isikweletu sabo singaphezu kweminyaka ewu 7 bangase bathathelwe izinyathelo zokukhishwa ngisho kulesisakhwi sezikhashana.

isakhiwo sabapheka umbila - Abomnyango wakwa Business Support Unit (BSU) babika ukuthi sebedlulisele Incwadi egunyaza ukususwa kwezigqiki kulendawo yabapheki futhi sebelinde ukuzwa ukuthi kuzokwenziwa nini. Kwavunyelwana ngokuthi njengoba sekuyisikhathi sokutholakala kombhila omningi kuyomele lomsebenzi wokususa iziqiki wenziwe ekuqaleni kuka 2020 sekudlule isikhathi sebhizi.

U Asiy eTafuleni ngokuhlanganya nabapheki usungule inqola ehambisana nezidingo zabahweba ngombila. Babili abahwebi abanikezwe lezingola ukuze bazihlole ukuthi ziyanbagculisa yini. Uma loluhlelo lubagculisa u Asiy eTafuleni uyo sebenzisana nabahwebi ukuthola uxhaso mali lokuzakha.



umfanekiso 2: Inqola eholwayo yokudayisa umbila ku Warwick Junction. ngu Toni Ottanelli-Gale.

Brook Street

- Abahwebi kanye ngabakwa BSU baqinisekisa ukuthi ipayipi lamanzi ebelivuza emakethe yase Mpempheni selilungisiwe.
- Ukutholakala kukagesi kuyisidindo esimqoka kubahwebi baku Brook Street, abapheki kanye nabathungi bathembele ekusebenziseni ugesi ukwenza umsebenzi wabo, umkhandlu uzowuxhuma ugesi kodwa kuzomele bawukhokhele, lokhu kususe ukukhulumakwaba hwebela ku block B bekhala ngokuthi ozakwabo baku A bona abawukhokheli bawusebenzisa makhhala.

Ngezakhiwo okumele zakhiwe - Abakwa BSU babika ukuthi bangase basungule imakethe yabadayisa izingubo ezingamasekeni. Babika ukuthi sebexoxisene nabathintekayo baphakamisa nokuthi bavuma ukususwa bathuthelwe kulemakethi lapho wonke umdayisi odayisa amasekeni eyothuthela khona, baphakamisa ukuthi kuhlonzwe indawo engase Workshop.

IZINGQINAMBA

- Inkinga enkulu ukuvuza kwemapayipi lendle ezindlini zangasese ezingase sangweni lase Early Morning Market. Kugeleza amanzi anendle aphazamisa abahwebi abasebenzela eduze kwalendawo.
- Kwaphinde kabikwa ukuthi amatoilet aseduze ne rank yamatekisi aya ePinetown rank sekunezinyanga ezibalelw kwezimbili evaliwe, umnyango wakwa BSU wabika ukuthi awekho ngaphansi komnyango wabo.

KUNOKUGCIZELELA KWESIDINGO SOKUBALULEKA KOKUTHI KUHLALE KUNOKUHLANGANA PHAKATHI KWABAHWEBI KANYE NABAKWA BSU UKULUNGISA IZINKINGA EZIKHATHAZA ABAHWEBI.



umfanekiso 3: Indawo yaku Brook St ngu Dennis Gilbert ngemvume ka Asiy eTafuleni.

**NGINGAZIBANDAKANYA KANJI
THINTA:**

Patrick Ndlovu: 082 921 7034 or
Asiy eTafuleni: 031 309 3880

**ushicilelo olwedlule lun-
gatolakala ku:**
[https://aet.org.za/
kanyenathi-newsletters/](https://aet.org.za/kanyenathi-newsletters/)

Izindaba zomphakathi
zinkhishwe
Asiy eTafuleni.

